

456 **D**iu slâ in dâ niht halden liez.
 Fontane lasalvatsche hiez
 ein wesen, dar sîn reise gienc.
 er vant den wirt, der in enpfienç.

5 der einsidel zim sprach:
 »ouwê, hêrre, daz iu geschach
 in dirre heileclîchen zît!
 hât iuch angestlîcher strît
 in diz harnasch getriben
 10 ode sît ir âne strît beliben?
 sô stüende iu baz ein ander wât,
 lieze iuch hôchverte rât.
 nû ruochet erbeizen, hêrre,
 – ich wæne, iu daz iht werre –
 15 unt erwarmet bî einem viure.
 hât iuch âventiure
 ûz gesant durch minnen solt?
 sît ir rehter minne holt,
 sô minnet, als nû diu minne gêt,
 20 als disses tages minne stêt;
 dient her nâch umbe wîbe gruoç.
 ruocht erbeizen, ob ichs bitten muoç.«
 Parzival, der wîgant,
 erbeizte nider al zehant;
 25 mit grôzer zuht er vor im stuont.
 er tet im von den liuten kunt,
 die in dar wîsten,
 wie die sîn râten prîsten.
 dô sprach er: »hêrre, nû gebt mir rât.
 30 ich bin ein man, der sünde hât.«

»wê (Awe O), h. (om. O), *G (nur GI) · daz iu (ev ie I) sus g. *G *T
 in d. heiligen zît! *T (I O L)

diu minne nû *T (nur T)

wie die sînen rât pr. *T (I O)
 nû om. *G (nur GIL) *T

*D: D *m: m *G: G I O L Z *T: T V

1 Initiale D G I L Z T 5 Majuskel T 15 Initiale I 29 Initiale T

6 iu] iu sus *m 12 lieze] lâze *m 19 nû] om. *m 21 dient her] [die*]: dient her D · wîbe] wîbes *m (L) 27 die in al dar (aller lûtten m) heten gewisen, *m